




ORATIO DO- CTISSIMA ET GRAVISSIMA, A REVERENDO

in Christo Patre GVILIELMO OVERTONO
Lichfieldiensi Episcopo habita, in domo ibi-
dem Capitulari, ad Præbendarios, &
*reliquum Clerum in Visitatione Ec-
clesiæ suæ Cathedralis congrega-
tum, Ann. Dom. 1600.*

§§§§§



OXONIAE,

Excudebat Iosephus Barnesius. 1601.

ORATIO
C TISSIMA ET
GRAVISSIMA REVERENDO

In Christo Pater & Filius
et Spiritus Sanctus
in gloria Patri
semper Capite &
in gloria Patri
semper Capite &

75306

REVERENDO IN CHRISTO PATRI AC

Domino, Domino WILIELMO Coventrensi & Lichfeldien-
ensi Episcopo; vester humilis & devotus, ZACHARIAS BA-
BINGTON. LL. Doctor, Vicarius vester in spiritibus ge-
neralis; omnimodam reverentiam vestræ paternitati debi-
tam cum honore.



*V*nus tibi offerre, Reverende Domine, quod
tuum sit atq; proprium, quodq; sine cuiusquā
iniuria, tuo quasi iure vendicare posse vide-
ari; neq; laudem profectò ullam, neq; gra-
tiam promeretur. Tuum autem quod sit, non
obtulisse tibi, sed vel apud se clanculum ha-
buisse, vel aliò impie avertisse; animi pla-
ne ingrati fuisset, & male sibi conscij, præ-

sertim in homine, tantum cuiquam debere sese, quantum ego me
tibi debere profiteor, profitente. Quod ergo tuum est, (Reverende
presul,) quodq; mihi donatum est, non abs te certè, (neq; tamen à
quo donatum, mihi ius fasq; nunc effari) volens libensq; hic ad arā
tuam statuo: non ea quidem vilitate & squalore, quo clanculum
per manus perrepta vit per paucorum; sed pulchriore certè habitu
& charactere, quo & te nunc primum adire audet, & publico om-
nium aspectui, (modo tu me indignetur,) se ipsum sistere non vere-
bitur. Quod si Dominationi tuæ subierit admirari, qua ego confi-
dentia fretus, hunc tuum sermonem, te non consulto prius, publi-
carim; has accipe paucis, iustissimas, meo quidem iudicio, spero et-
iam tuo, presumptionis meæ rationes. Primum concio ista tua,
ut erat ornatissimè & gravissimè à tua Dominatione pronuncia-
ta; ita generatim omnes, in summum sui desiderium & admirati-
onem pellexit. Deinde multò maxima pars Præbendariorum, quo-
rum maximè intererat, hanc tuam orationem audivisse, aberat

A

tunc

tunc quidem ab ecclesia; ut nullus planè gravissimorum consiliorū tuorum fructus ad eos potuerit pervenire, si vel ignorata penitus, vel offusa tenebris latuissent. Adde quod crebris imperitorum amanuensium transcriptionibus corrupta & vitata, quando sepius de manu ad manum transissent; tantò magis magisq; vulnerata, nativum illum ornatum, & splendorem, quem ab arte tua acceperunt, amisissent. Deniq; calumniatores illi tui, si qui sunt, (& quotusquisq; est, cui hoc genus non abundè suppetat) habebunt ex hoc scripto, & quod in tua Dignitate admirari possint, cum actionum tuarum rationes, & doctrina integritatem perspexerint; & quod damnare in semetipsis & odisse debeant, quòd tam intemperanter & malevolè linguis suis ad maledicentiam abusi fuerint: desinentq; fortasse deinceps maledicere. Sed utinam illi non desistent, (ut est certè hoc genus prorsus importunum & implacabile) erit tamen sermo sic tuus, tum propter materie gravitatem, tum propter rationum momenta, & orationis puritatem, omnibus Ecclesiasticis, totiq; adeò Ecclesiastica politia, nobile imprimis exemplar, & illustrissimum documentum. Faxit Deus. Opt. Max. pro immensa sua bonitate, ut & vita tibi in longum proogetur, & gratia spirituales magis magisq; indies augeantur, ad nominis sui gloriam, & ecclesiæ huius emolumentum, in qua te Deus pastorem gregis sui, & Episcopum vigilantissimum ordinavit.

Vestræ Reverentiæ devotissimus,
ZACHARIAS BABINGTON.





A Lcinoò dare poma licet? licet addere pomis
Poma; licet Floræ mittereserta? licet.
Si licet: & per te liceat (Dignissime) libro
Adjicere hæc saltem carmina nostra tuo.
Carmina, in pondus spectes, leviuscula: si vim,
Sunt humilis venæ signa minuta meæ.
Nec tamen inde minor tibi crescit laudis aceruus,
Quam si Mæonidis carmina culta forent.
Nam nigra dum mea sunt, tua candidiora videntur,
Tua, meis addis versibus omne decus.

Tuæ Dominationi multis nominibus dedi-
tissimus. Guil. Babington.



THE [illegible] OF [illegible]



THE [illegible] OF [illegible]





ORATIO DOCTISSIMA ET GRAVISSIMA

à reverendo in Christo Patre GVILIELMO O
Lichfeldiensi Episcopo habita, in domo ibidem Capi-
tulari, ad Prabendarios, & reliquum Clerum in
visitatione Ecclesia sua Cathedralis congre-
gatum, Anno Dom. 1600.



TSI pro mutua illa inter nos antehac sancita
compositione, veteriq; illo & celebri huius Ec-
clesiæ visitandæ ritu atq; ratione, mihi iam à
Dei verbo exordium sit, (fratres in Christo
charissimi) priusquam tamen aggrediar quic-
quam ex sacris literis proferre, par esse censeo, & presenti cau-
sæ perquam necessarium, vt diuinum auxilium imploremus,
precemurq; illum omnium bonarum gratiarum atq; donorum
largitorem, Deum optimum maximum, vt & mihi, & vobis
spiritum suum hoc tempore impertiat; mihi, vt ad dicendum;
vobis, vt ad audiendum; vtrisque nostrum, & mihi & vobis, vt ad
fructum aliquem ferendum ex seminato eius verbo attentiori-
bus animis compositi, atq; comparati simus. Oremus itaq; De-
um patrem consueta illa, & præscripta orandi formulâ, ad filij
sui tum institutionem, tum imitationem, dicamusq; vt ipse nos
docuit.

Pater noster qui es in calis, &c.

Vicesimo capite Actuum Apostolorum versus vicesimo
octauo, & vicesimo nono in hunc mo-
dum scribitur.

O R A T I O.

- 28 *Attendite vobisipſis, & toti gregi, cui præfecis vos Spiritus Sanctus, & pascite eccleſiam Dei, quam ſanguine ſuo redemit.*
- 29 *Ego enim ſcio hoc, quòd poſt diſceſſum meum ingreſſuri ſunt, ad vos Lupi graves, non parcentes gregi.*



VM & Deo gratum ſit, & vobis honeſtum, & huic eccleſiæ commodum, & toti humano generi neceſſarium: immò cùm nihil gratius, nihil honeſtius, nihil commodius, nihil magis neceſſarium vel deo, vel vobis, vel iſti eccleſiæ, vel cuivis homini eſſe poſſit, quàm bonarum legum latitudo, & benè latarum obſervatio, quorum vtrumq; (ſi coniungantur & concurrant) mirum in modum faciunt ad Dei gloriam, & eccleſiæ eius ædificationem; certè & vos, fratres mei, ſi vobis, aut rationibus veſtris benè conſultum velitis, id inprimis curare debetis, vt leges & iura quæ omnium rerum tam publicarum quàm privatarum nervi & firmamenta ſunt, quibus etiam hanc veſtram Capitularem, & hanc noſtram Cathedralem eccleſiam, ornare, gubernare, conſervare, atque amplificare oportet, nunc demùm ſapienter condere, condita diſcigenter exequi, & explere cogitetis, cupiatis, collaboretis. Scio vos leges habere, & Statuta, & Ordinationes; at iſta quàm ſolida neſcio, ſed ſint illa quidem optima, & ſolidiſſima, interim quàm benè, & quàm ſolidè à vobis obſerventur & præſtentur, veſtrum ipſorum ſit iudicium. Proſectò optimè inſtituta, peſſimè verò obſervata, vel potiùs omninò neglecta, & conculcata nullius ſunt ponderis aut momenti, & leges etiam ſi ſaluberrimæ, ſi deſit praxis & uſus, quaſi nullæ habendæ ſunt, non quia legi-

O R A T I O.

legibus non potimur, sed quia vel non vtimur, vel abutimur
iis ipsis legibus. Rectè ille dicebat: *Vbi nullus ordo, ibi sempiternus horror & confusio.* Si igitur leges, si statuta, si ordinationes (quibus potimini) aut non satis multæ, aut non satis rectæ, aut non satis idoneæ, pro statu & conditione loci, & temporis habeantur, (loquor de priuatis huius ecclesiæ constitutionibus) addite, corrigite, commutate. At si nullo istorum opus est, si omnia benè provisa sunt, si omnia satis rectè ordinata, quæso iam (fratres) quæ ordinata sunt, facite, præstare, perficite, atque id quidem seriò, (vt decet) non oscitanter, non negligenter. Hanc ego ob causam huc accessi, hunc ego in finem hanc portiunculam scripturæ (quam audivistis) vobis proponendam, & mihi hoc tempore pertractandâ suscepi. Vos arripite aures vestras, & quæ dicturus sum, æquo animo accipite, & amplectimini.

Textus à me citatus simplex est, vnus idemq; & verbis, & argumento; nihil in se continens ardui, aut ambigui; diuidi tamen potest in tres partes: prima; est admonitio, *Attendite vobis ipsis, & toti gregi*: secunda; est ratio admonitionis, *quia Spiritus Sanctus vobis huius gregis curam commisit*: tertia; est fructus & vtilitas quæ ad nos omnes manabit, si officium nostrum in hac cura administranda benè & fideliter expleverimus: vitam & salutem consequemur in hoc seculo, & in seculo futuro æternam foelicitatem. De his tribus agam ordine, & breuiter.

Attendite vobis ipsis. Mirum videri possit quid adduxerit apostolū vt iuberet ecclesiā Ephesinā sibi ipsis attendere, ac si nullam sui curā habuissent. Si quis alloqueretur vos Lichfeldienses, & huic ecclesiæ vestræ Lichfeldiensi diceret, *Attendite vobis ipsis*; frustrā id locutus videretur. nemini enim dubiū, quin vnusquisq; ad rē suā satis attētus sit, vt inā nō nimis. Arbitror itaq; apostolū his verbis monere ecclesiā Ephesinā, præcipuè verò eos qui

ORATIO

eius ecclesię erant Prępositi & Presbyteri, vt caverent sibi, a grandi illo periculo quod ipsis impendebat propter nimiam sui curam, contemptum verò & neglectū curę sibi a spiritu sancto commissę. Id ex proximo verbo luculentius apparet Nominat enim gregem illis commissum, *attendite* (inquit) *vobis ipsis & toti gregi*. Quasi diceret ille Apostolus: Ego nō ita multum curo, vosmetipsos curetis necne; (omnes enim ad sibi fauēdum, & indulgēdum satis superq; parati sunt,) sed grex vobis commissus, grex vobis a spiritu sancto cōmendatus est, & concreditus. Attendite itaq; vobis, & attendite gregi vestro: attendite vobis; vt pascatis, vt regatis, vt conservetis gregem: attendite gregi; vt seriō a vobis, accuratēq; pascatur, regatur, conseruetur: Attendite vobis; ne incurratis in grāuē & implacabilem Dei iram, propter neglectum gregis eius: attendite gregi; ne vestrā incuriā & negligētiā, collabatur, corruat, cōrabelcat. De vestris enim manibus requiretur eius sanguis, si vestrā culpā perierit. Hęc mihi videtur sententia esse animi Apostolici hoc loco, hic sensus, hic scopus verborū eius ad Presbyteros illos Ephesinos, nempe vt attendant *sibi*, & gregi *suo*: sibi autem maximē propter gregem *suum*, ne accersant sibi ipsis iudicium Dei non seruando, aut nō curando gregem suę fidei commissum & commendatū. *Attendite* (inquit) *vobis, & gregi vestro*, & non solū gregi, *sed toti gregi vestro*: ita enim habent verba Apostoli, *attendite vobis ipsis & toti gregi*. Nullam vult gregis Dominici partē a Prępositis suis non caveri, non curari, non custodiri incolumem. Totam ecclesiam Ephesinam vult integram esse, & immunem ab omni malo, & ab omni periculo quod illis vllō modo imminere possit.

Iam quod dixerat Apostolus Ecclesię Ephesinę, idem & vobis Lichfildiensibus, & huic ecclesię vestrę Lichfildiensis dictū esse existimandum est. Attendite itaq; vobis, ~~vobis~~ Lichfildienses) Prępositi, & attendite ecclesię vestrę: attendite vobis vt benē pręstitis ecclesię, atq; vt aditis illi omni bono cōsilio, & auxilio:

atten-

O R A T I O.

attendite ecclesię, vt bonis vestris consilijs, atq; auxilijs suffulta,
& sustentata, valeat, & floreat, saltem ne illis destituta iaceat,
languescat, pereat, pessundet. Sapienter enim Solomon;
Vbi nullus gubernator, corruiť populus: Salus autem, vbi multa Pro. 11
consilia. Videte (quęso, fratres mei) labefactatum ecclesię ve-
strę statum, aspiciťe lamentabilem eius faciem, & vultum de-
plorandum. Dicite mihi (nisi fortę malueritis ad mala vestra
conuiere) quid cernitis in tota hac ecclesia vestra, in toto hoc
corpore vestro, quid cernitis nisi vlcera, nisi vulnera, nisi ma-
culas, nisi mutilationes, dixeram ferę interitus, & ruinas? Quid
enim? an non omni ex parte erratur? peccatur? diffuitur? las-
ciuitur? luxuriatur? an non omnes deuiarunt, deflexerunt,
exorbitarunt, a via recta, & a via regia? quid ferę malorum
non conspicitur, quid ferę vitiorum non viget, non floret, non
primas obtinet partes in hac vestra Capitulari, in hac nostra
Cathedrali ecclesia? Distrahor animo, & toto corpore con-
tremisco, quoties cogito de multiplicibus illis malis, de vitijs,
de pestibus illis innumerabilibus, quę inciderunt in hac nostra
tempora; quęq; in hoc loco, in hisce vestris sedibus infra hac
vestra męnia, infra hunc ambitum ecclesię vestrę, non iam
oriturę, aut nasciturę, sed ortę, sed natę, sed grandiores fa-
ctę, & iam indięs grandescere, & in grandem quendam cu-
mulum quasi coacervatę & coaggetatę esse videntur. Quid
gravius, quid funestius, quid calamitosius dici, aut comme-
morari potest? stupra, commestationes, ebrietas, otium, luxu-
ria, oblectamentas, turpitudine, irę, dissidia, pugnę, procacitas,
audacia, malicia, doli, periuria, perfidia, pertinacia, contemp-
tus Statutorum, violatio legum, & ordinationum ecclesię,
atq; alia id genus infinita, hac omnia prędominantur, & qua-
si palmam pręripuerunt omni pietati, atq; honestati, nec vllus
ferę locus relinquitur sincero Dei cultui, precibus, ieiunijs, vi-
gilijs, laboribus, zelo domus Dei, studio sacrarum literarum,
prędi-

ORATIO.

prædicationi evangelicæ, fidei, charitati, castitati, humilitati, benignitati, veritati, iusticiæ, prudentiæ, temperantiæ, verecundiæ, nec vllis ferè virtutibus, aut divinis exercitijs quibus animos vestros ad veram pietatem, & honestatem colendam, erudire atq; informare deberetis. Vereor ne invaserit hanc nostrâ Cathedralem ecclesiam Inspiciens ille, de quo Propheta: *Dixit*

al. 14. 1. *inspiens in corde suo, Non est Deus,*

Atq; vnde hæc omnia, nisi ~~quia~~ ^{quia} ij qui sedent ad gubernacula ecclesiæ nec continent se, nec cohibent alios; nec moderantur sibi, nec fræna injciunt suis; sed faciunt omnibus facultatem & potestatem audendi, & faciendi omnia? quo, quid potest esse pestilentius? *Licentia*, (inquit Poeta) *omnes sumus deteriores*: At laxare habenas, quo liberè cuiq; liceat quod liber, deterrimum est, incenditq; animos ad peccandum sine modo, sine intermissione. Non enim viuendi licentia, quæ legibus frænatur; sed peccandi impunitas, quæ violat omnes leges; & magistratuum indulgentia, quæ laxat frænum peccantibus, faciunt, vt nullus sit peccandi vel modus, vel finis. Quare legibus tanquam frænis coercendi sunt homines libidinosi, ne in sese ruant, & in alios. Quemadmodum enim ora iumentorum quæ ratione carent, ita & libidines pessimorum hominum ratione abutentium quasi chamis, & frænis constringere oportet, iuxta illud David: *Nolite esse sicut equus, & mulus, in quibus non est intellectus, quorum maxilla, chamo & fræno constringuntur*. Id autem efficitur prudenti legum latione, & diligenti legum executione, cui rei vos qui præestis ecclesiæ, omnino deestis, atq; ita deestis, vt nisi huic malo remedium citius adhibeatur, perpetuò vos defuturos esse suspicandum sit. Quid enim aliud expectare, aut sperare vel possumus, vel debemus? Nemo ferè domi manet, vt curet res domesticas, nemo ferè habitat ecclesiam, vt res ecclesiæ administret: sed alij hîc, alij illic, alij Londini, alij Walliæ, alij Lecestriæ, alij in alijs locis, omnes deniq; aut absunt, aut ab-

eunt,

al. 32. 9.

ORATIO.

eunt, omnesq; desertâ curâ, desertis domibus, desertâ ecclesiâ, consulunt sibi, & nescio quo animo, nescio quo spiritu, non quæ ecclesiæ sunt, non quæ aliorum, sed quæ sua sunt, curant, quærunt, consecretantur. An ita abesse fas est? an ita factitare licet? Id vnum à vobis interrogauerim, si caput ab sit corpori, si humeri, si brachia, si pectus, si manus, si pedes, si hæc omnia absint, si cor ipsum absit, & omnes cordati, quid reliquum erit corporis, aut quid de tali corpore dicemus? certè omnia ruant, omnia pessum eant, omnia sursum deorsum ferantur, omnia confundantur, omnia subuertantur necesse est. Dico hæc, fratres, non sine magno animi mei dolore, non sine suspirijs, non sine gemitibus, vix etiam sine lacrimis. Atque vtinam hæc falsò dicerem, vtinam tales non essetis quales habemini, sed dico verius quàm vellem, facti estis spectaculum mundo, facti estis ridiculum hominibus, facti estis scandalum ecclesiæ, & quod maximè omnium declinandum erat (proh dolor, proh pudor) facti estis fabula vulgi. Quapropter vt finem huic parti orationis meæ tandem aliquando imponam; audite (quæso) Apostolum hoc loco monentem vos, & dicentem, *Attendite vobis, & attendite gregi vestro*; attendite vobis, & attendite ecclesiæ vestræ; vobis autem propter gregem vestrum, & propter ecclesiam vestram: Siquidem incipiendum erit à vobis ipsis, non tamen vestri causâ sed ecclesiæ causâ, vt consequens fructus non sit vester, sed ecclesiæ vestræ, & totius ecclesiæ vestræ. Non enim præestis ecclesiæ, vt vobis propolitis, sed ecclesiæ: nec eminetis alijs, vt vestri curam agatis, sed aliorum. Attendite itaque (fratres mei) attendite, quæso, vobis ipsis, vt per vos benè sit ecclesiæ vestræ. Alioquin nec Apostolum auditis, nec vobis ipsis attenditis, aut saltem non ita attenditis vt par esset vobis, & vt viros bonos decet: quanquam nec id satis erit fuisse *viros bonos, & magistratus malos*. Hæc de admonitione Apostolica.

O R A T I O.

Nunc venio ad huius admonitionis rationem. *Attendite vobis* & *toti gregi cui praececit vos Spiritus Sanctus*, & *pascite ecclesiam Dei, quam sanguine suo redemit*. Duæ hinc rationes afferuntur, cur oporteat vos attendere gregi vestro, & ecclesiae vestrae. Primum, quia *spiritus sanctus vos huic gregi praececit*; *Attendite* (inquit) *toti gregi cui praececit vos spiritus sanctus*: Deinde quia Deus id est Christus Dei filius vnus idemq; cū patre Deus, hanc ecclesiam *suo sanguine redemit*: & *pascite* (inquit) *ecclesiam Dei quam sanguine suo redemit*. Duo protectō fortissima argumenta, duæ firmissimæ rationes. Oportet attēdere gregi: Quare? quia spiritus sanctus vobis huius gregis curam commisit. Oportet pascere ecclesiā Dei: quare? quia Christus Dei filius suo sanguine hanc eandē ecclesiam sibi acquisiuit. Ac si ita dixisset vobis Apostolus, non homines vos delegarunt ad hoc munus vestrū obeundū, aut ad hāc ecclesiae vestre curā peragēdā, sed spiritus sanctus: non homines corruptibili auro, & argēto vobis hanc ecclesiā vestrā cōpararunt, aut acquisierūt, sed Christus sua morte, suo sanguine eā non vobis, sed sibi ipsi cōparauit & acquisiuit. Si igitur spiritus sanctus delegauit vos, attēdite eius delegationi: si Christus hanc vestrā ecclesiā suo sanguine redemit, vos pascite eandē ecclesiā vestrā, & diligenter illic ad vigilate. Cōmissio enim & delegatio Spiritus sancti, nō est aspernanda: crux Christi, sanguis Christi, non est conculcandus, aut nihili faciendus. Cogitate itaq; vobiscū quid negotij iā habetis, cogitate quo prætio redēpta sit hāc vestra ecclesia, spiritus sancti negotium est, nolite facere opus spiritus sancti negligenter: Christi sanguinis prætium est, nolite conculcare eius sanguinē; nō ite reddere crucē eius irritā & inanē: nō enim id impunē feceritis. ^{videtis} ~~videtis~~ iam, fratres, vim argumentorum Apostoli: videtis quā strictis, & quā validis, rationibus agat, vobiscū: videtis quā seriō, quā vehementer, quā emphaticē horretur vos, vt attendatis huic gregi vestro, & huic ecclesiae vestrae Lichfeldensi, nimirum, quia spiritus sanctus vos ei praececit, quia Christus

O R A T I O.

stus suo sanguine eam redemit.

Sed, dicet aliquis, Elizabetha nos præfecit huic ecclesiæ; verum quidem dicitis, at non totū dicitis. Elizabetha præfecit vos, sed quis præfecit Elizabetham? nonne Deus? Nemo negaverit. Deus itaq; præfecit, & Elizabetha præfecit, ille illam vobis, illa vos per illū huic ecclesiæ. Sed sit Deus, sit Elizabetha, quid hoc facit ad vos excusandos, si in vocatione vestra, nec Deo, nec Elizabethæ respondetis. Vterq; eorū præfecit vos huic ecclesiæ, & Deus, & Elizabetha: vos interim perfungimini officijs vestris, continete vos in vocatione vestra, & in hoc munere obeundo, quod vobis à Spiritu sancto, commissum est, & tam vnicè commendatum: agite partes vestras diligentèr, & in agēdo pergite, & in pergendo persistite, & in persistendo, ad finē vsq; perseverate: ita laudē feretis, tū à Regina Elizabetha, tum à Deo ipso, omnium Regum Rege, & prædominatore.

Sed cum attendendū sit gregi, & pascenda sit ecclesia, (quomodo autē gregi attendendū sit prius exposuerimus) videamus nunc quomodo ecclesia quoq; pascenda sit: ecclesia (inquam) Dei, quæ vos estis, aut esse debetis, nec dubitò etiā quin lubentissimè esse velitis. Tritum est illud ter repetitum *Pasce*, apud Iohannē, *pasce, pasce, pasce, pasce agnos meos: pasce oves meas*, ^{Ioan 16.1} *pasce oves meas*. Ter repetitur ille *Pasce*, non quia ter pascēda sit ecclesia Dei, atq; ita desistendum à pascendo, sed quia tripliciter eam pascere oportet. Prima enim illa, *pasce* repetitio, non tria tantū tempora, aut tres tantū vices, sed triplicem modū pascendi significat, nisi forte velitis tropicè hic poni numerum finitū, pro infinito, quod apud scriptores vsitatū est. Sed *modus* hic denotatur, non *tempus*. Tres itaq; pascendi rationes, voluit nobis innuere Servator noster cum ter, Simoni Petro suum illud *pasce*, recenseret. Primū, vt verbo: deindē, vt pane; tertio, vt exemplo: verbo autē, vt animas; pane, vt corpora; exemplo, vt mores hominum, vitæq; integritatem pascereamus, alereamus, informareamus.

O R A T I O.

Iam quoad animas quomodo ecclesiam Dei, verbo Dei paveritis, vosmetipsos optimè nosse oportet, cum vestri ipsorum sit officij, & muneris id efficere. Vereor profectò ne satis frigidè, si non nimis parè id à vobis præstitum sit, atq; peractum. Forsitan Diebus Dominicis, sermo apud populū publicè & pro concione habetur, in ecclesia illa nostra Cathedrali (quanquam nec id quoq; facitis ad præscriptam Canonū & Iniunctionū regulā) sed in priuatis vestris ædibus, in priuatis vestris Capitulis, atq; in hac Domo vestra capitulari, vbi id maximè fieri oporteret, si rem ad viuum vsq; refecate voluerimus, videbimus magnopere à vobis ea in re erratum, peccatumq; & esse, & fuisse, cum reverà non rarò sed hebdomatim vt id fiat, & sæpius etiā (si fieri possit) ecclesiæ vestræ status, & conditio postulet. *Subditos* enim vestros, & omnes ecclesiæ vestræ ministros priuatis vestris sermonibus, priuatilq; exhortationibus instruendos esse atque informandos nemo ignorat. Alioqui ~~non~~ nec Deo obedientes, nec vobis obsequentes ^{habentes} ~~invenimus~~. Ea; de causa vt sæpissimè verbo Dei pascantur necesse est, tum priuatim tū publicè. Atq; hæc de animæ pabulo.

Nunc quod ad corpus attinet, quomodo ecc' esiam Dei corporaliter famelicam, & corporalem panem vestrum esurientem huc vsque foueritis, aut fouere cnraueritis, ego nihil dicam, alij dicant, qui liberalitatem vestram, & hospitalitatem magis & me ius experti sunt. Hoc dico, oportere omnes esse hospitalis, etiam si vix duos ex omnibus hospitalitatis encomio insignitos inueniam. Et quomodo hoc conuenit (quæso) cum illo Dei mandato, per Prophetam, *Frange panem tuum esurienti*. Sed, dicetis, pauperes sumus; cur igitur Residentiarij? non oportet Residentiarios pauperes esse, sed vt cumq; diuites, & ad pauperum necessitatem sustentandam, atq; subleuandam, abundè satis instructos, & paratos. aut igitur cedite alijs qui possunt & volunt panem & pecuniā suam pauperibus erogare, aut discedite à Residentia vestra, nec Residentiariorum nomine, & titulo

titulo diutius abutimini, quandoquidem oportet Residentiarii professorem esse hospitalitatis, ipsaq; hospitalitas vnus sit, etiã si non vltimus finis Residentiæ vestræ. Date (quæso) veniam, fratres mei, si hanc pascendi rationem vehementius vrgeo quam velitis. Magno enim dedecori erit ecclesiæ vestræ, si in hac parsimonia vestra, non dicam avaritiã, aut cordis duriã, longius obtorpueritis. At illud interim laudo apud vos, quod vnum tamen ex omnibus nescio quã diuitem, certè satis instructum, satisque promptum & paratum ad pauperes reficiendos in hac vestra ecclesia habeatis. Non nomino hominem modestiæ gratiã, sed vos illum (vt par est) amplexemini, cum & vos, & ecclesiam vestram hãc infamiæ notã, quantum potest, liberet, atque indiès magis magisque liberare studeat: nec invidete illi hanc suam beneficentiam, sed eam potiùs tanquam exemplar vobis ad imitandum proponite. Atque hæc de corporis alimento.

Nunc veniamus ad tertiam pascendi rationem, quæ in vitæ morumq; exemplo consistit. Verbo enim animas, pane corpora, at exemplo mores hominum, hominesq; ipsos, ad benè rectèque viuendi rationem, & ad vitam æternam consequendam, alimus, nutrimus, cõformamus, componimus. Et nisi duo illa cum hoc tertio coniungantur, nisi verbum & panis cum vitæ exemplo concurrant, frustrà vel animas, vel corpora ouium Christi pascimus. Nihil enim aliud faciemus, quàm si vnâ manu extruere ecclesiam, alterâ vero destruere; dextrâ ædificare, & sinistrâ deiicere, & demoliri conaremur. Quamobrem tria illa, verbum, panem, & exemplum, vno quasi vinculo colligare vos oportet, & concatenare, si frugi & prudentes domus Dei Architecti esse volueritis. Sed redeamus ad propositum. Ecclesia Dei exemplo pascenda est, idque à vobis hoc loco requiritur, *Pascite (inquit) ecclesiam Dei, quam sanguine suo redemit.* At vos iam (fratres mei) quantum vocationi vestræ in hoc officij genere defueritis, & desitis,

ORATIO.

ipſi vobis cū, quæſo, perpendite. Nūquid certatim concurritis ad hoc paſcēdi genus? nūquid exempli alij, alijs prævenire cupitis, aut curatis? an præit reliquis, is qui præeſt reliquis? an nō potiùs tardior eſt omnibus tū ad præcedendū, tū ad ſubſequēdū in omni pietatis curſu, omniq; optimarū virtutū exemplo, atq; exercitatione? Equidē optarē ego, & non ſolū optarē, ſed puto etiam omni rationi cōſentaneū eſſe, vt primus, in primis; ſecundus, in ſecundo, tertius, in tertio loco, atq; ita ſinguli alij, in ſingulis ſuis locis, prudenter ſe cōtineant, laudabiliterq; ſe gerant; tātū ab eſt vt primi poſtremis, vel dignitatis loco, vel meriti dignitate propter immerita ſua ſe poſtponēdos eſſe commonſtraturi ſint. Laudabile eſt ad ſumma contendētē in medijs conſiſtere, ſed à ſūmis delabi ad infima, & vix etiā in infimis cōſiſtere, turpe eſt, ſummāq; vituperatione dignū. Nō libet mihi (fratres mei) ſigilatim enumerare ſingula, nec ad vnū aliquē veſtrū, ſed vniverſim ad vos omnes orationē meā cōvertere. Id igitur vnū pariter omnibus dico, vt quiſq; prior eſt loco, & dignitate, ita & reliquis omnibus vitę cādore, & exempli ſplēdore, præluceat. Sed quis reliquis præluceat cogitat in vllō officij genere, vel erga Deū vel erga homines? quis precādo, quis ieiunando, quis vigilando, quis laborādo, quis ſtudento, quis prædicādo, quis colendo Deū, quis diligendo fratres, quis pacē alendo, quis lites componēdo, quis vitia corrigēdo, & reprimēdo, quis fide, quis cōſtancia, quis veritate, quis iuſticia, quis prudentia, quis tēperantia, quis obedientia, quis ſtatuta eccleſiæ obſervando, quis iuramentū eccleſiæ præſtitū perſoluendo, quis collapsum eccleſiæ ſtatū reſtaurādo, aut reſtituendo, quis opes & bona eccleſiæ colligēdo, aut cuſtodiendo, quis eccleſiæ honorē & dignitatē tuendo, atq; amplificando, quis eccleſiæ cōmoda ſuis cōmodis præferendo, quis vllō in quā officij genere, vel erga Deū, vel erga homines, quis vllō vel pietatis, vel honeſtatis exemplo, reliquis anteire, aut antecellere, vel curat, vel cogitat? Profectò, vix quiſquā vnus ex omnibus, ſed omni ſerè ex parte, erratur, omni ſerè ex parte deficitur.

ORATIO.

tur. Et quæ tandē causa est huius tanti erroris & defectus? certē neminē habetis ducē, neminē qui præeat, neminē qui præfringat, & prærūpat glaciē reliquis. Vos præite qui præestis, alij sine dubio sequentur, aut si nolunt, vi statutorū vestrorū trahite, cogite, impellite. Habetis statuta (vt loquimini) localia, habetis ius cōmune, habetis Iniunctiones regias, habetis Canones ecclesiasticos, regiē Maiestatis Sigillo magno confirmatos, & corroboratos; habetis Ius divinum, habetis deniq; omnia iura, omnesq; leges tū divinas, tū humanas, quibus reluctantes, aut recusantes possitis cōpellere, si velitis: vos tantūm vtimini autoritate vestrā, & quā licet in exequēdo potestate; omnia optimē succedent. Teneris iā, opinor (fratres mei) triplicē istū pascendi modū. tenetis quomodo opor teat vos ecclesiā Dei trifariā pascere, verbo, pane, & exemplo: verbo, vt animas; pane, vt corpora; exemplo, vt mores, vitasq; subditorū vestrorū ad Dei gloriā, & ecclesiæ eius ædificationem alatis atq; enutriatis. Atq; hæc de Apostolicæ admonitionis ratione dicta sint.

Nunc reliquū est vt de fructu, & vtilitate dicā, quæ ad vos omnes redibit, si in hac cura vestra ministrāda, si in pascendo ecclesiā Dei, si in advigilando gregi Christi sedulos vos & diligentes exhibueritis. Sed audiamus verba Apostoli; *Ego enim scio hoc quod post discessum meū ingresuri sint ad vos lupi graves, nō parcentes gregi.* His verbis docet vos Apostolus, quid boni, quid fructus, quid emolumentī, percepturi sitis, si attenderitis gregi vestro, si paueritis ecclesiā Dei, si verbo, si pane, si exemplo eā, quā decet fide, & diligentia, cibaveritis, atq; nutriveritis: scilicet, id fructus ex eo consequemini; canes, vulpes, lupos, aliaq; feras & noxias bestias ab ecclesia dei, ab ovili Christi, arcebitis, fugabitis, abigetis: quo, quid potest vobis & gregi vestro, melius esse, aut oprabilius? *Ego (inquit) scio, quod post discessum meū ingresuri sunt ad vos Lupi graves, non parcentes gregi.* Ac si ita dixisset Paulus ecclesiæ suæ Ephesinæ; Ego quādiū maneo vobiscū quādiū attendo vobis, quādiū pasco vos, & ecclesiā vestrā, Dei verbo,

O R A T I O.

bo, & vitę exemplo, tādū scio me perterrefacturum esse omnes inmanes belluas, longissimęq; eas ab ecclesia vestra propulsaturū, ne ad vos rapiendos, & spoliandos ingrediatur, sed post discessum meū, hoc est, postquā mihi liberū non erit, diutius hic apud vos permanere, sed a' id abeundū est, ad aliasq; exterās nationes peragrandū (*debitor enim sum Gracis, debitor sū Romanis, debitor sum omnibus gentibus*, omniūq; genū sum Apostolus) tūc certū est mihi, ingressuros esse ad vos lupos illos graues, qui nō parcent vobis, aut gregi vestro a' ioqui, si mihi fas esset continuo hic apud vos residere, scio, multo a' iter se re haberet, nec ita violenter afferrent manus vobis truculenti isti lupi, truculēta ista belluæ. Hic est sensus verborum Aposto. i hoc loco.

Ex his itaq; A posto i verbis, faciliē intelligitur, quā tutū sit, quā vtile, quā frugiferū ecclesię christianę, (cuius vos pars aliqua estis,) fidos pastores, Præpositosq;, & Prębyteros prudētes & peruiigilantes habere, qui & gregē suū, & seipsos saluos, & incolumes seruare possint, & velint, ab omni inuasiōe atq; irruptione istiusmodi canū, vulpiū, luporum, aliarūq; ferarum, & noxiarū bestiarū, quę gregi Christi nullo modo parcere volunt, sed dispergere potiūs, & dissipare eū, immo dilaniare, & deuorare, quātū poterūt, molientur. Sed dicetis: nos huiusmodi noxias bestias apud nos nullas habemus, nec canes, nec vulpes, nec lupos, nec vlla alia id genus animalia rapacia, & voracia, nulla huiusmodi habemus apud nos in hac nostra ecclesia. Benè id quidē dicitis, si verè id dicitis, atq; vtinā ita sit, sed aliter esse potest vobis nescientibus. Lupi enim violenti, sed vulpes fraudulētae sunt, & possunt vos decipere, & volunt vos decipere, nisi optimè caueritis. Fatebimur Lupū nullū, at vulpē fortassis aliquē habetis hic apud vos, qui hanc ecclesiā vestrā, aut aliquam eius partē, etsi non vi, fraude tamen spoliaturus sit. Et quid si hæreticus aliquis, aut hēreticę prauitati nimium ad dictus, & adhērens in hac vestra ecclesia delitescat, qui nō aperto Marte, sed subdolis suis susurris, atq; incantationibus, vos, aut aliquē vestrū sit aggres-

ORATIO.

aggressor¹⁷⁷, aut non id putatis in magnum ecclesiæ vestræ dā-
nū, aut saltē periculum cessurum esse? certē verendum est. Sed
sint nulli huiusmodi canes, sint nulli huiusmodi vulpes apud vos,
et sit nullus huiusmodi Lupus visibilis, et apertus, quem nondū
formidatis, quia nondum fortasse novistis: est tamen apud vos,
et apud omnes ecclesias Christi, et Lupus, et Leo, quam maxi-
mē horrendus, et formidandus, Lupus ille rapax, Leo ille rugi-
ens, de quo vos monet Petrus, *Estote* (inquit) *sobrii, et vigilate;*
adversarius vester Diabolus, quasi Leo rugiens obambulat, qua-
rens quem devoret. Et hic est seminator ille nequam, de quo
Christus etiam vos monet, apud Metthæum, *qui dormientibus*
hominibus virulentissima sua semina, tum vitiorum, tum erro-
rum, non in aures vestras, sed in corda vestra sparsurus sit: viti-
orū, ut mores, vitāq; vestram corrumpere; errorum, ut inficere
animas vestras, ~~deum~~¹⁷⁸ debilitare possit. Cavete vobis, et eccle-
siæ vestræ ab isto Lupo rapace, ab isto Leone rugiente, ab isto
seminatore nequissimo. Atqui hæc omnia mala vnā cum ipsa
malorum auctore, facili mē propelluntur, et profligantur, si vos
gregi uestro sobrie et diligenter attenderitis, si vos ecclesiæ ve-
stræ sobrie et sapienter advigilaveritis. Itaq; et Petrus, et Chri-
stus tanquam præstantissimum medium, præsentissimumq; re-
medium, ad hæc omnia mala effugienda, sobrietatem vobis, et
vigilias præscr. pserunt. *Estote* (inquit Petrus) *sobrii, et vigilate.*
Et, inimicus homo, (inquit Christus) *dū homines illi agricolæ dor-*
mirēt, zizania sua inter ipsorum triticum seminavit. Et Paulus
Post discessum meum (inquit) *ingressuri sunt Lupi graves, nō*
parcētes gregi, ex quibus omnibus sic concludi potest: Si viri illi
Christiani, ad quos scripserat Petrus, sobrii fuissēt; si homines il-
li sōniculosi, qui bonū semē in agro suo semināverunt, non dormi-
tassēt; si Paulus ab Ephesijs suis nō discessisset, sed cōtinuō apud
eos resedisset, et remāssisset, certē nihil illis timēdū erat mali, om-
nia tutissima fuissēt ab omni periculo, nullisq; vel lupis, vel leoni-
bus vel inimicis hominibus exposita, aut ~~ill~~¹⁷⁹ modo obnoxia.

C

Quam-

1. Pe.
Mat

O R A T I O.

h. 3.
9.
 Quamobrē cū Petro estote sobrij, & vigilate: cū Christo cauete
 hominē illū iuimicū: cū Paulo ne disceditis ab Ephesijs vestris,
 quæ est ecclesia vestra, sed assidue apud eā, aut saltē longē, diu-
 tius quàm soliti estis, residete, atq; remanete. Ita futurū est, vt &
 gregis vestri, & vestri ipsoꝝ salutē, quàm optimē consu tū fue-
 rit. Gregis enim vestri salute, vestra salus continetur, & ex gre-
 gis vestri peste & ruina, vestra quoq; eruitur pestis & perditio:
 iuxta illud Ezechielis; *Si tuis admonitionibus conuersus fueris*
homo peccator, à peccatis suis, vt vivat, liberaſti animā tuā: ſi tuo
ſilentio, aut tuā negligentia obdurnerit cor eius in peccatis ſuis ne
conuertatur, & tu illū nō admonuiſti, ipſe morietur in peccatis ſuis,
ſed eius ſanguine de tuis manibus requirā, quoniā non monu-
 iſti illū ne peccaret, atq; ita paritē vterq; perituri eſtis. Hęc aut
 his ſimilia apud Ezechielē. Quocirca videtis iā (fratres mei) quā
 vtile futurū ſit, & quām ſalutare vobis omnibus, ſi huic Apoſto-
 licæ admonitioni aſcultaveritis, ſalus vndiq; erit, perditio nulla
 timenda eſt. Atq; hæc tandē de tribus orationis meæ partibus,
 de admonitione Apoſtolica, de admonitionis ratione, & de eius
 vſu, atq; fructu. Nunc pauciſſimis perorabo.

Audivisti (fratres) quid vos hoc loco admoneat Apostolus:
 primum vt attendatis gregi vestro, deinde vt pascatis ecclesiam
 Dei. Audiuiſtiſ eius rationes, cur oporteat vos attendere gregi
 vestro, & cur oporteat vos pascere ecclesiam Dei, primum quia
 ſpiritus ſanctus, vos huic gregi præfecit, deinde quia chriſtus ſuo
 ſanguine hanc eccleſiā redemit. Audiuiſtiſ quomodo attenden-
 dū ſit gregi vestro, & quomodo paſcenda ſit eccleſia Dei, ita at-
 tēdendū eſt gregi, vt bonis veſtris cōſilijs, atq; auxilijs ſuffultus,
 & ſuſtentatus, optimē valeat, & floreat, ita paſcenda eſt eccleſia
 vt tribus illis modis, verbo, pane, & exemplo, bene ſaginentur
 oues Chriſti, & ad pios mores in hac vita, in vita futura, ad æter-
 næ vitæ ſœlicitatē, pingueſcant, accreſcant, matureſcant. Audi-
 uiſtiſ deniq; de fructu, & emolumēto, quod ad vos omnes ema-
 naturū eſt, ſi attenderitis gregi vestro, ſi paveritis eccleſiā Dei, ſi
verbo,

ORATIO.

verbo, si pane, si exemplo eā abundē (vt oportet) satiaueritis, ser-
 uabitis gregē vestrū, & liberabitis animas vestras, quo nihil po-
 test vnquā vel vtilius vobis evenire, vel iucundius. Quāobré cū
 tā seriō, & tā candidē hortetur vos Apostolus ad hoc munus ve-
 strū obeundū, cū tot tantisq; rationibus id ā vobis cōtēdere co-
 netur, cū tā vberē fructū consequuturi sitis, ex hac Apostolica
 eius admonitione, modō illi vt deberis obtēperaveritis, cum de-
 niq; tota salus, totaq; vita vestra, & gregis vestri in hoc cardine
 potissimū versetur, vt nisi sanum eius consiliū amplexi fueritis,
 pereundū sit vobis omnibus, quāso, tandē (fratres mei) cogitate
 vobiscū, & altius in animis vestris reuoluite quid iā faciendū sit.
 Mors, & vita, salus, & perditio, Cōlū & Infernū hic proponun-
 tur, quid iā eligendū erit? certē optio facilis est, nisi mori, potius
 quā viuere, perire potius quā seruari, ad inferos detrudi, potius
 quā ad Superos euehi, optabilius esse putetis, quod certē nullo
 modo putandum est. Et tamen id expectandum erit (nisi quod
 hortatur Apostolus) alacri, & lubenti animo præstiteritis. Et
 præstare quidem tanto lubentius deberis, quanto facilius præ-
 strare potestis, si velitis. Nullo enim sudore, nullo labore opus
 est, præsentia vestra tota fere res agitur, & quemadmodum in
 Prouerbijs est, *oculus domini pascet equum*. Vos tantum aditis
 ecclesiæ vestræ, licet omnia alia ferē desint, (quod nollem) feci-
 stis tamen ferē omnia, oculi enim vestri pascunt ecclesiā vestrā,
 desint alia quæcumq;. Quanquā quid opus est, vobis vllō modo
 ecclesiæ vestræ vel deesse, vel abesse, nisi statis diebus, statisque
 temporibus, cū ecclesiæ vestræ statuta permittunt, & residentie
 vestræ ritus, & rationes non repugnant. Aditis itaq; (fratres
 mei) aditis, quāso, ecclesiæ vestræ, & semper illi aditis, tū cor-
 pore, tū spiritu; Bisariam enim & aditur. ad ecclesiam, & abitur,
 discediturq; ab ecclesia, corporaliter, & spiritualitèr, corporali-
 ter, quando corpore adestis, & corporali pane, ecclesiæ vestræ
 ministros pascitis; spiritualiter, quando spiritu adestis, & Dei
 verbo, aut quocumq; alio spirituali cibo animas illorū reficitis,

ORATIO.

& refocillatos. Vos utroq; modo adsitis, quæso, ecclesiæ vestræ, tam corporaliter quam spiritualiter, vel potius tribus illis pascēdi generibus utamini, (de quibus modo audivistis) verbo, pane, & exemplo, ut verbo animas, ut pane corpora, ut exemplo mores, vitasq; ministrorum vestrorum, ad Dei cultum, ad vestri observantiam, ad ipsorum salutem, ad ecclesiæ vestræ decus, & honorem alere atq; enutrire possitis. Id si feceritis, optimè feceritis, & id si feceritis, Deo placueritis, ecclesiæ profueritis, vobis ipsis consulueritis; at id si non feceritis, Dei iram provocaveritis, ecclesiæ vestræ statum concusseritis, vosmetipsos perdidderitis, atq; ut iterum, iterumq; dicam quod prius à me dictum est, omnia ruant, omnia pessum eant, omnia sursum deorsum ferantur, omnia confundantur, omnia subvertantur, necesse est. Quod absit. Precor Deum optimum maximum, patrem Domini nostri Iesu Christi, & patrem omnium misericordiarum, ut illuminet animos vestros, inflectatq; corda vestra, ad sinceram verbi sui obedientiam, seriamq; officij vestri considerationem, per eundem Dominum nostrum Iesum Christum, qui cum patre & spiritu sancto Deus est laudandus in secula.

Amen.

